

En Juin  
1296.

*Charte des Priuileges que le Roy Philippes le Bel donna aux Generaux  
Maistres, & Clerc des Monnoyes, & aux ouuriers & monnoyers du  
serment de France.*

*Extrait du Registre de la Cour des Monnoyes, du num. F. fol. 190.*

**P**HILIPPE par la grace de Dieu Roy de France. A tous ceux qui ces presentes ver-  
ront & orront, Salut. Sçachent tous qui sont & qui auenir seront, que comme contens  
fut entre les Maistres de nos Monnoyes, & les ouuriers & monnoyers de nostre Royaume sus  
l'ouurage & le monnoyage de nos monnoyes nouuelles blanches & noires; en la parfin de no-  
stre assentement & de nostre mandement lesdits Maistres, & lesdits ouuriers & monnoyers  
voudrent & octroyerent que l'ouurage & le monnoyage desdites monnoyes feust assis par  
prend'hommes & loyaux qui fussent du fait des monnoyes: Et à ces choses faire, ordonner &  
accorder furent Belin Caucinel, Iean Dismier, nos monnoyers, Thomas Buchard, Regnier  
le Flament, Guillaume le Flament Bourgeois de Paris, & Maistres de nos Monnoyes, Fartie  
Galgant de Fleurance Maistre de nostre monnoye d'or, & Regnault de la Salle Clerc de nos  
monnoyes: Et pour tous les ouuriers & monnoyers de nostre Royaume du serment de Fran-  
ce, furent Iean Boulangier Preuost de la Monnoye de Paris, Pierre Hurtault, Gaultier le  
Bombier, Gilles Seremence ouuriers, & Pierre Dalians, & Thibault Sarrazin monnoyers,  
& fut assis l'ouurage & le monnoyage desdites Monnoyes en cette maniere. C'est à sçauoir les  
ouuriers auront de l'ouurage de la monnoye noire de Royaux parisis doubles, & de Royaux  
tournois doubles, du plomb de vingt marcs, & vn frerton dix sols, de tournois petits entre  
charbon & autres choses, & d'iceluy plomb il peut faire deux marcs & demy de cizaille. Et  
se ils ne font plus de cizaille entre les deux marcs & demy, ils ne prendront rien dy ce. Et se  
ils en font plus outre le demy, ils perdront le surplus de deux marcs, ou frerton ne doit auoir  
que trois forts & trois foibles. & se il y en auoit plus, les Maistres ne le receuroient pas ius-  
ques à tant que ils les auroient amandez à droict poinct, & il doit auoir autant fors comme  
foibles trespassans à treize deniers & maille dessus & dessous. Et doiuent ly ouuriers rece-  
uoir à parmy, & rendre à parmy. Item ly ouuriers doiuent auoir de l'ouurage de la monnoye  
blanche, & petits tournois d'argent de six deniers parisis dix sols de tournois petits, & peu-  
uent faire deux marcs & demy de cizaille. Item ly monnoyers doiuent auoir pour monnoyer  
la brefve de dix liures de ia monnoye noire vingt tournois petits, & trois deniers doubles de  
déchet de la monnoye double noire qu'ils feront & doiuent prendre à poids, & rendre à  
poids. Et s'il y auoit dechet, il doit estre sur eux, & doiuent auoir de monnoye dix liures de la  
monnoye blanche trois sols de tournois petits, & les Maistres des monnoyes doiuent mettre  
Gardes qui garderont que ly ouuriers ne couchient les deniers de pouldre ne d'autre chose.  
Et se il y en auoit aucun qui fust repris d'aucun couchiement, ils seront pugniz par les deuant  
dits nos Maistres Belin Caucinel, & Iean Dismier, ou par ceux qui seroient en leur lieu, selonc  
le meffet. Et tant ly ouurier & ly monnoyer sont tenus de venir garnir nos monnoyes de ou-  
uriers & de monnoyes à leurs propres couts & despens toutes les fois qu'il nous plaira, ne ne  
peuent ne ne doiuent demander autre don ne autre auantage outre leur droict ouurage &  
Monnoyage. Et nous octroyons & confermons aux Maistres de nos monnoyes, & à nos ou-  
uriers & monnoyers de nostre Royaume du serment de France, toutes les franchises que de  
nos deuanciers Rois de France leur ont donné & octroyé çà en arriere. C'est à sçauoir, qu'ils  
ne seront tenus de respondre de nul cas deuant nul Iuge, se ce n'est deuant les Maistres de nos  
Monnoyes, fors de trois cas; c'est à sçauoir de larcein, de meurtre & de rapt. Et voulons &  
octroyons qu'ils soient francs, quittes & deliurez par tout nostre Royaume, de toutes tailles, &  
de toutes coustumes & de tous peages. En tesmoing de ce, nous auons fait mettre en ces pre-  
sentes lettres nostre seel. Ce fut fait à Paris l'an de grace mil deux cens quatre-vingts & seize,  
au mois de Iuin. Ainsi signé sur le reply, I. DE PREMINS. Collation est faite per me I. DE PRE-  
MINO qui de Francuniis Clericos Domini regit.